

[www.BibleForChildren.org](http://www.BibleForChildren.org)

# San Mateo 8



Owiptlatik, omochij se ilwitl kan monamiktiaj itech pueblo de Caná itech estado de Galilea. Ompa oyeka imaman in Jesús. Noijki okinminbitarojkej in Jesús iwan imomachtijkawan itech yon ilwitl.



Iwan nijkuak otlanke in vino, imaman in Jesús okilwij:  
–Mach ok kipiay vino. Imaman okinmilwij katlej  
otlaserbirojtokaj: –Xikchiwakan nochi tlan Yej  
amechilwis.



Jesús okinmilwij in tlaserbirojkej:

–Xikintemitikan yinmej xoktzinmej ika atl.

Yejwan okintemitijkej asta otenkej. Iwan

Jesús okinmilwij: –Axan xikixtikan achitzin,

iwan xikitkilikan in tlakatl katlej tlayekanke

de yen tlaserbirojkej. Okitkilijkej

kiné.



In yon tlayekanke okiyekoj in atl katlej omokuepke vino, mach okimatia de kan owalaj, san yen katlej tlaserbiroaj katlej okixtijkej atl okimatiaj de kan owalaj. Iwan ijkuakón in tlayekanke okinotzke in novio.



Okilwij: –Nochtin in tlakaj kitemaka achtoj katlej kuale vino, iwan nijkuak ya miek yokonikej, ijkuakón kitemakaj katlej okachi barato. Pero tejwatzin otikaj katlej kuale vino para satepan tiktemakas.



Yen yin katlej yakinika milagro okichij in Jesús itech pueblo de Caná de Galilea. Ika yon milagro okiteititij ipoder. Iwan imomachtijkawan otlaneltokakej inawak.



Jesús oyáj ichan Pedro, iwan okitajsik imonan in Pedro wetok ipan itlapech kipia totonik.



Jesús okimakitzkij imonan in Pedro, iwan in totonik okiske. Imonan Pedro omejke iwan okintlamakak.




Nijkuak opoliwito in tonale iwan otlatleyuak, okinwikilijkej in Jesús nochtin kokoxkej, iwan katlej okipiayaj ejekamej mach kualtin. Iwan nochtin tlakaj de yon pueblo omololojkej kaltempan.



Jesús okinsewíj (okinpajtíj) de nochi kokolistle, iwan okinkixtij miekej demoniojtin pero mach okinkawilij ma tlajtókan porke yejwan okixmatiaj in Jesús.



Nochtin in tlakaj okinekiaj kikitzkiskej in Jesús,  
porke Yej okinpajtiaya nochtin ika ipoder.



Ijkuakón owalajkej nawin tlakaj kan Jesús oyeka,  
okualwikiliayaj se tlakatl katlej owijwilantik.



Komo sa tekiti miekej tlakaj oyekaj,  
mach owelik okikalakijkej kalijtik.

Ijkuakón in kale  
okikuatlapojkej iwan ik  
ompa okitemowijkej ika  
nochi itlapech.



Nijkuak Jesús okitak intlaneltokalis, ijkuakón okilwij in kokoxke: –Nokone, nimitztlapojpolwia de nochi motlajtlakol. –Tej nimitzilwia, ximewa, xikajkokui motlapech iwan xiwia mokalijtik.




Jesús otlejkok itech se barko, iwan imomachtijkawan  
oyajkej Iwan. Ijkuakón opéj ejeka  
chikawak iwan atl opéj  
motlatlamotla ipan barko  
iwan oatemiaj. Pero  
Jesús okochtoka.



Yej okinnankilij: –¿Tlanik wel anmomawtiaj?  
Namejwan wel tzikitzin namotlaneltokalis. Ijkuakón,  
omoketzke, okajwak in ejekatl iwan atl, iwan san niman  
omokaj sa tlamantok. Imomachtijkawan sa  
otlajtlachixkej (omomajmawtijkej).

Iwan okijtojkej: –¿Akin yin  
tlakatl, porke asta yen  
ejekatl iwan atl  
kitlakitaj?



'Dios sa tekitl kintlasojtla in  
tlaltikpaktlakaj, iwan por yonik  
okitemakak in san Yej se iKone, para ke  
nochtin akinmej kineltokaskej, amo ma  
mopolokan, sino ma kipiakan nemilistle  
katlej mach keman tlamis.



## Efesios 2:8,9

Dios ika iteiknotlamachilis otechmakixtij de totlajtlakol nijkuak tejwan otikneltokakej in Cristo. Yon mach de tejwan okiske para otitlaneltokakej, sino yen Dios otechmakak totlaneltokalis para ma titlaneltokakan inawak. Dios otechmakixtij mach por otikchijkej itlaj tlan kuale para otikmotlanilijkej, para ijkón amakaj ma moweyineki.

## Romanos 3:23

Porke nochtin tlakaj otlajtlakoijkej iwan okimopolilijkej de yaskej inawak Dios katlej kipia imawisotlanex.

## Romanos 6:23

Porke in tlajtlakole tetlaxtlawia ika mikilistle, pero Dios techmaka se tlatliokolile nijkuak tikneltokaj in toSeñor Jesucristo, iwan yon tlatliokolile yen yankuik nemilistle katlej mach keman tlamis.



## Hebreos 9:27

Iwan tejwan katlej titlaltikpaktlakaj tinochtin san se buelta timikiskej, iwan satepan Dios techixkomakas (techtzonmanas).

## Romanos 10:9,10

Iwan tla ika moten tikijta nik in Jesús yen moSeñor, iwan ipan moyolo tikneltoka nik in Dios okiyolitij satepan de omikke, in Dios mitzmakixtis. Porke nijkuak se tlakatl tlaneltoka ika nochi iyolo, tonses in Dios kita ya chipawak de itlajtlakol. Iwan tla ika iten kitematiltia nik tlaneltoka inawak Cristo, in Dios kimakixtis.



## San Juan 3:16,17

'Dios sa tekintl kintlasojtla in tlaltikpaktlakaj, iwan por yonik okitemakak in san Yej se iKone, para ke nochtin akinmej kineltokaskej, amo ma mopolokan, sino ma kipiakan nemilistle katlej mach keman tlamis. Dios mach okualtitlanke iKone itech yin tlaltikpak para ma kinpojpolo in tlaltikpaktlakaj, sino okualtitlanke para ma kinmakixti.

## 1 Juan 5:11-13

Iwan yen yin tlan techmatiltia: nik in Dios techmaka yankuik nemilistle katlej mach keman tlamis, iwan yon nemilistle techmaka itech iKone. Akin kipia iKone in Dios ipan iyolo, noijki kipia yankuik nemilistle. Pero akin amo kipia iKone in Dios ipan iyolo, tonses mach kipia yon nemilistle. Namechtlajkuililia namejwan katlej ankineltokaj iKone in Dios, para kuale xikmatikan nik ya ankipiaj yankuik nemilistle katlej mach keman tlamis.



San Mateo 8-9; San Marcos 1-2, 4;  
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter, Sarah S.

Nahuatl, Northern Oaxaca NT (nhy) © 2006, Wycliffe Bible  
Translators, Inc. All rights reserved.

<https://www.bible.com/bible/712/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

